



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/13), člana 25. i 34. Zakona o ustanovama („Službeni list Republike Bosne i Hercegovine“, br. 6/92, 8/93 i 13/94), člana 13.,16. i 19. Odluke o osnivanju JU „Međunarodni centar za djecu i omladinu Novo Sarajevo“ – („Službene novine Kantona Sarajevo“, broj 4/11 – prečišćeni tekst) i Zaključka o utvrđivanju standarda i kriterija izbor imenovanje predsjednika Upravnog odbora, člana Upravnog odbora i člana Nadzornog odbora JU „Međunarodni centar za djecu i omladinu Novo Sarajevo“ broj: 16-30-5-5378/26 od 20.05.2026.godine, Općinska načelnica objavljuje

## JAVNI OGLAS

### za izbor i imenovanje predsjednika Upravnog odbora, člana Upravnog odbora i člana Nadzornog odbora JU "Internacionalni centar igre, kulture, umjetnosti i mladih Novo Sarajevo"

I - Objavljuje se Javni oglas za izbor i imenovanje predsjednika Upravnog odbora, člana Upravnog odbora i člana Nadzornog odbora JU "Internacionalni centar igre, kulture, umjetnosti i mladih Novo Sarajevo" i to:

U UPRAVNI ODBOR bira se:

- 1 član – predsjednik, predstavnik osnivača,
- 1 član – predstavnik osnivača.

U NADZORNI ODBOR bira se:

- 1 član – predstavnik osnivača

Mandat predsjednika i člana Upravnog odbora kao i člana Nadzornog traje 4 godine, uz mogućnost ponovnog imenovanja.

### II – Opis pozicija:

**Upravni odbor**, uz saglasnost Općinske načelnice Općine Novo Sarajevo donosi Pravila, sklapa sa Direktorom direktorski-menadžerski ugovor, imenuje i razrješava direktora, utvrđuje planove rada i razvoja, utvrđuje godišnji program rada, te obavlja i sljedeće poslove: donosi finansijski plan i usvaja godišnji obračun, donosi opšti akt o unutrašnjoj organizaciji i sistematizaciji poslova i radnih zadataka, donosi i druge opšte akte, u skladu sa zakonom i Pravilima, odlučuje o svim pitanjima obavljanja djelatnosti radi kojih je Javna ustanova osnovana, ako zakonom nije drugačije određeno, usmjerava, kontroliše i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog Pravilima, odgovara osnivaču za rezultate rada Javne ustanove, podnosi osnivaču izvještaj o poslovanju Javne ustanove najmanje jedanput godišnje, odlučuje o prigovorima radnika na Rješenje koje je drugi organ Centra donio pri odlučivanju o njegovim pravima, obavezama i odgovornostima iz radnog odnosa u skladu sa odredbama ovih Pravila te vrši i druge poslove u skladu sa zakonom i Pravilima.

**Nadzorni odbor** analizira izvještaje o poslovanju Centra, obavlja nadzor nad upotrebom sredstava za rad Centra, pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača, Upravni odbor i Direktora o rezultatima nadzora.

### III – Opći uslovi koje svaki kandidat treba da ispunjava su sljedeći:

- a) da je državljanin Bosne i Hercegovine,

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za obrazovanje, kulturu i sport

tel: (387 33) 492 188, fax: (387 33) 492 341, email: obrazovanje@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

- b) da je stariji od 18 godina,
- c) da nije otpušten iz državne službe kao rezultat disciplinske mjere na bilo kojem nivou vlasti u BiH, u periodu od tri godine prije objavljivanja Javnog oglasa,
- d) da nije obuhvaćen odredbama člana IX 1. Ustava Bosne i Hercegovine,
- e) da nije osuđivan za krivično djelo i privredni prestup nespojiv sa dužnošću u upravnom i nadzornom odboru javne ustanove,
- f) da nije nosilac javne funkcije u smislu Zakona o sprečavanju sukoba interesa u institucijama na nivou Bosne i Hercegovine („Službeni glasnik BiH“ broj: 18/24), izabrani dužnosnik, nosilac izvršne funkcije i savjetnik u smislu Zakona o sukobu interesa u organima vlasti u Federacije Bosne i Hercegovine („Službene novine FBiH“ broj: 70/08) i nosilac javne funkcije u smislu Zakona o prevenciji i suzbijanju korupcije u Kantonu Sarajevo („Službene novine Kantona Sarajevo, broj: 35/22; 44/22; 52/22),
- g) da nije na funkciji u političkoj stranci.

#### IV – Posebni uslovi

##### 1. Predsjednik i član Upravnog odbora

Pored općih uslova, kandidat koji se imenuje na poziciju predsjednika Upravnog odbora treba da ispunjava i sljedeće posebne uslove:

- a) VSS – najmanje VII stepen stručne spreme (240 ECTS bodova) – društvenog, humanističkog ili umjetničkog smjera,
- b) najmanje 5 (pet) godina radnog iskustva/staža nakon završetka VSS u struci,
- c) da nema privatni finansijski interes u javnoj ustanovi u čiji se upravni odbor kandiduje,
- d) da nije direktor javne ustanove,
- e) da nije predsjednik ili član više od jednog upravnog ili nadzornog odbora.

##### 2. Član Nadzornog odbora

Pored općih uslova, kandidat koji se imenuje na poziciju člana Upravnog odbora i član Nadzornog odbora treba da ispunjava i sljedeće posebne uslove:

- a) VSS – najmanje VII stepen stručne spreme (240 ECTS bodova) – društvenog smjera,
- b) najmanje 5 (pet) godina radnog iskustva/staža nakon završetka VSS u struci,
- c) da nema privatni finansijski interes u javnoj ustanovi u čiji se nadzorni odbor kandiduje,
- d) da nije direktor javne ustanove,
- e) da nije predsjednik ili član više od jednog upravnog ili nadzornog odbora.

Prednost kod imenovanja predsjednika i člana Upravnog odbora kao i člana Nadzornog odbora imat će kandidati sa radnim iskustvom, te ostvarenim i priznatim rezultatima na polju kulture, obrazovanja, rada sa mladim, a i umjetničkog stvaralaštva.

#### V – SADRŽAJ DOKUMENTACIJE KOJA SE PRILAŽE:

- 1) Prijava sa naznakom za koju se poziciju iz Javnog oglasa kandiduje,
- 2) Biografija sa podacima o radnom i profesionalnom iskustvu, te ostvarenim rezultatima tokom radnog angažovanja,
- 3) Izvod iz matične knjige rođenih,

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za obrazovanje, kulturu i sport

tel: (387 33) 492 188, fax: (387 33) 492 341, email: obrazovanje@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



- 4) Uvjerenje o državljanstvu, ne starije od 6 mjeseci od dana objave Javnog oglasa,
- 5) Ovjerenja fotokopija diplome. Ukoliko izvornik diplome sadrži suhi žig umjesto pečata, isto mora biti naznačeno u napomeni ovjere fotokopije dokumenta.
- 6) Uvjerenje o radnom stažu/iskustvu nakon završetka VSS u struci,
- 7) Izjava kandidata, ovjerene pred nadležnim općinskim organom:
  - a) Da nije osuđivan za krivično djelo i privredni prestup nespojiv sa dužnošću u upravnom i nadzornom odboru javne ustanove i da se protiv njega ne vodi krivični postupak,
  - b) Da nije otpušten iz državne službe kao rezultat disciplinske mjere na bilo kojem nivou vlasti u BiH, u periodu od tri godine, od dana objavljivanja ovog oglasa,
  - c) Da nije obuhvaćen odredbama člana IX. 1. Ustava Bosne i Hercegovine,
  - d) Da nije nosilac javne funkcije u smislu Zakona o sprečavanju sukoba interesa u institucijama na nivou Bosne i Hercegovine („Službeni glasnik BiH“ broj: 18/24), izabrani dužnosnik, nosilac izvršne funkcije i savjetnik u smislu Zakona o sukobu interesa u organima vlasti u Federacije Bosne i Hercegovine („Službene novine FBiH“ broj: 70/08) i nosilac javne funkcije u smislu Zakona o prevenciji i suzbijanju korupcije u Kantonu Sarajevo („Službene novine Kantona Sarajevo, broj: 35/22; 44/22; 52/22),
  - e) Da nije na funkciji u političkoj stranci,
  - f) Da nema privatni finansijski interes u javnoj ustanovi u čiji se upravni/nadzorni odbor kandiduje,
  - g) Da nije direktor javne ustanove,
  - h) Da nije predsjednik ili član više od jednog upravnog ili nadzornog odbora.

Navedenu dokumentaciju dostaviti po redoslijedu kako je navedeno.

Sve kopije moraju biti ovjerene i ne starije od šest (6) mjeseci.

NAPOMENA: Dokumentacija koja se dostavlja neće se vraćati kandidatima koji su se prijavili na Javni oglas.

VI – Svi kandidati koji ispunjavaju uslove bit će pozvani na intervju koji provodi Komisiju za provođenje Javnog oglasa za izbor i imenovanje predsjednika Upravnog odbora, člana Upravnog odbora i člana Nadzornog odbora JU "Internacionalni centar igre, kulture, umjetnosti i mladih Novo Sarajevo".

Komisija će putem pismene preporuke predložiti rang-listu sa najboljim kandidatima i dostaviti je Općinskoj načelnici na dalje razmatranje i konačno imenovanje.

Konačno imenovanje će se objaviti u „Službenim novinama Kantona Sarajevo“.

Sve informacije u toku postupka kandidovanja su transparentne, osim ako informacije nisu povjerljive u smislu Zakona o zaštiti ličnih podataka.

Nezadovoljni kandidat može podnijeti prigovor na konačno imenovanje ako vjeruje da u procesu imenovanja nisu ispoštovani principi utvrđeni članom 3. Zakona o ministarskim, vladinim i drugim imenovanjima Federacije Bosne i Hercegovine.

Prigovor se podnosi Općinskoj načelnici, a fotokopija prigovora se dostavlja Ombudsmanu za ljudska prava Bosne i Hercegovine.

VII – Prijave sa traženom dokumentacijom podnose se lično ili poštom preporučeno, u zatvorenoj koverti, na adresu;

**Općina Novo Sarajevo,  
Općinska načelnica**

**Komisija za provođenje oglasa za izbor i imenovanje predsjednika Upravnog odbora, člana Upravnog odbora i člana Nadzornog odbora JU "Internacionalni centar igre, kulture, umjetnosti i mladih Novo Sarajevo" – ne otvaraj**

*Općina Novo Sarajevo, ulica Zmaja od Bosne br. 55, centrala telefon (387 33) 492 100*

*Služba za obrazovanje, kulturu i sport*

*tel: (387 33) 492 188, fax: (387 33) 492 341, email: obrazovanje@novosarajevo.ba*

*Identifikacioni broj: 4200558710008 PDV broj: 200558710008 Porezni broj: 0170333000*

*Depozitni račun 1411965320011288 Bosna Bank International d.d.*



**Zmaja od Bosne broj 55  
71 000 Sarajevo**

Nepotpune i neblagovremene prijave neće biti razmatrane.

**VIII** – Javni oglas za izbor i imenovanje predsjednika i članova Upravnog odbora i člana Nadzornog odbora, objavit će se u „Službenim novinama Federacije BiH“, najmanje jednom dnevnom listu koji se štampa na području Bosne i Hercegovine, web stranici Općine i oglasnoj ploči Općine, s ciljem da bude dostupan najširoj javnosti i ostaje otvoren 15 dana od dana posljednjeg objavljivanja.

Broj: 16-30-5-5378/26  
Sarajevo, 20.05.2026. godine.

  
**OPĆINSKA NAČELNICA**

**Prof. dr. Benjamina Karić**

